



Level 1 DISCIPLESHIP

Swahili Version

Take home lesson #1 “Finding Faith”

Waefeso 2

1 Nanyi mlikuwa wafu kwa sababu ya makosa na dhambi zenu; **2** ambazo mliziendea zamani kwa kuifuata kawaida ya ulimwengu huu, na kwa kumfuata mfalme wa uwezo wa anga, roho yule atendaye kazi sasa katika wana wa kuasi; **3** ambao zamani, sisi sote nasi tulienenda kati yao, katika tamaa za miili yetu, tulipoyatimiza mapenzi ya mwili na ya nia, tukawa kwa tabia yetu watoto wa hasira kama na hao wengine. **4** Lakini Mungu, kwa kuwa ni mwingi wa rehema, kwa mapenzi yake makuu aliyothropenda; **5** hata wakati ule tulipokuwa wafu kwa sababu ya makosa yetu; alituhuisha pamoja na Kristo; yaani, tumeokolewa kwa neema. **6** Akatufufua pamoja naye, akatuketisha pamoja naye katika ulimwengu wa roho, katika Kristo Yesu; **7** ili katika zamani zinazokuja audhahirishe wingi wa neema yake upitao kiasi kwa wema wake kwetu sisi katika Kristo Yesu. **8** Kwa maana mmeokolewa kwa neema, kwa njia ya imani; ambayo hiyo haikutokana na nafsi zenu, ni kipawa cha Mungu; **9** wala si kwa matendo, mtu awaye yote asije akajisifu. **10** Maana tu kazi yake, tuliumbwa katika Kristo Yesu, tutende matendo mema, ambayo tokea awali Mungu aliyatengeneza ili tuenende nayo.

Kichwa cha Somo	Kuitafuta Imani
Wazo	Imani huleta mabadiliko yenyeye nguvu maishani mwetu.
Andiko	Waefeso 2:1-10
Kujisomea Biblia	Soma mistari hiyo. Kabla ya kuja kwa Yesu hali yetu ilikuwaje? (mistari 1) Nafasi hiyo ina sifa gani (mistari 2-3) Ni kitu gani “kituokoacho” kutoka katika hali ya kuwa “wafu”? (mistari 8) Kwa nini hatuwezi kutenda mema ili “kuokolewa” kutoka dhambini? (mistari 9)
Maombi	“Mungu, nisaidie kuishi maisha yaliyo badilika yale niliyoyapokea kutoka kwa Kristo.”
Swali/Nukuu	“Mara tunapokuja kwa Kristo, tunakuwa na uwezo wa kutenda mema. Kabla ya Kristo, hata juhudzi zetu zile nzuri hazina faida kwa Mungu.” Frank Banfill, <i>Maxpoint</i> , ukurasa 28
Hatua kwa Vitendo	Orodhesha njia tatu ambazo maisha yako yamebadilika tangu ulipoiweka imani yako kwa Yesu.



Level 1 DISCIPLESHIP

Swahili Version

Take home lesson #2 “Defining the Journey”

Wafilipi 1

20 Naam, ndugu yangu, nipate faida kwako katika Bwana; uniburudishe moyo wangu katika Kristo. **21** Kwa kuwa nakuamini kutii kwako ndiyo maana nimekuandikia, nikijua ya kuwa utafanya zaidi ya hayo nisemayo. **22** Na pamoja na hayo uniwekee tayari mahali pa kukaa; maana nataraji ya kwamba kwa maombi yenu mtajaliwa kunipata. **23** Epafra, aliyefungwa pamoja nami katika Kristo Yesu, akusalimu; **24** na Marko, na Aristarko, na Dema, na Luka, watendao kazi pamoja nami. **25** Neema ya Bwana Yesu Kristo na iwe pamoja na roho zenu. **26** hata mzidi kuona fahari katika Kristo Yesu juu yangu kwa sababu ya kuwapo kwangu pamoja nanyi tena. **27** Lakini mwenendo wenu na uwe kama inavyoipasa Injili ya Kristo, ili, nikija na kuwaona ninyi, au nisipokuwapo, niyasikie mambo yenu, kama mnasimama imara katika roho moja, kwa moyo mmoja mkiishindania imani ya Injili;

Kichwa cha Somo	Kuifafanua Safari: Lengo
Wazo	Lengo letu maishani ni kuleta utukufu kwa Mungu.
Andiko	Wafilipi 1:20-27
Kujisomea Biblia	Palo anatamani kitokee nini kama matokeo ya maisha yake (mistari 20-21) Kwa nini Paulo alikuwa “amegawanyika” kati ya kuishi na kufa? (mistari 22-24) Ingawa mbingu ni nzuri zaidi kwa Paulo kuliko mateso anayoyapata maishani, lakini alipenda alipenda kuishi katika maisha haya kwa sababu alikuwa na kazi ya kufanya. Hiyo ilikuwa ni kazi gani? (mistari 25-26) Ukifupisha mistari hii, unaweza kusema lengo lako maishani ni nini?
Maombi	“Bwana, nipi ujasiri kwa ajili yako, kuishi na kukuletea heshia wewe siku zote za maisha yangu.”
Swali/Nukuu	“(Mungu) hutuacha hapa ili tumwoneshe Yesu kwa watu wengine. Wakati maisha yanatuendea sawa, huu ndio wakati wa kumwonesha Kristo kuwa ni mkuu. Wakati mambo yakienda kombo, pia ni wakati wa kumwonesha Yesu kwa watu wengine.” Frank Banfill, <i>Maxpoint</i> , ukurasa 30.
Hatua kwa Vitendo	Andika jambo moja la kiutendaji ambalo utalifanya wiki hii ili kumdhahirisha Kristo kwa mtu mwingine na kisha ufanye. Labda ni kumshuhudia mtumishi mwenzako, au kumsaidia mtu fulani aliye na mradi wa kufanya. Haijalishi ni nini, fanya jambo ambalo litamfanya mtu huyo amwone Yesu maishani mwako kwa muda wa siku tano hivi.



Level 1 DISCIPLESHIP

Swahili Version

Take home lesson #3 “The Importance of God’s Word”

Zaburi 119

1 Heri walio kamili njia zao, Waendao katika sheria ya Bwana. **2** Heri wazitiio shuhuda zake, Wamtafutao kwa moyo wote. **3** Naam, hawakutenda ubatili, Wamekwenda katika njia zake. **4** Wewe umetuamuru mausia yako, Ili sisi tuyati sana. **5** Ningependa njia zangu ziwe thabiti, Nizitii amri zako. **6** Ndipo mimi sitaaibika, Nikiyaangalia maagizo yako yote. **7** Nitakushukuru kwa unyofu wa moyo, Nikiisha kujifunza hukumu za haki yako **8** Nitazitii amri zako, Usiniache kabisa **9** Jinsi gani kijana aisafishe njia yake? Kwa kutii, akilifuata neno lako. **10** Kwa moyo wangu wote nimekutafuta, Usiniache nipotee mbali na maagizo yako. **11** Moyoni mwangu nimeliweka neno lako, Nisije nikakutenda dhambi. **12** Ee Bwana, umehimidiwa, Unifundishe amri zako. **13** Kwa midomo yangu nimezisimulia Hukumu zote za kinywa chako. **14** Nimeifurahia njia ya shuhuda zako Kana kwamba ni mali mengi. **15** Nitayatafakari mausia yako, Nami nitaziangalia njia zako. **16** Nitajifurahisha sana kwa amri zako, Sitalisahau neno lako.

Kichwa cha Somo	Umuhimu wa Neno la Mungu
Wazo	Neno la Mungu ni la muhimu sana katika maisha yetu ya kila siku.
Andiko	Zaburi 119:1-16
Kujisomea Biblia	Tunajifunza nini juu ya Mungu katika Biblia ambacho hatuwezi kujifunza mahali pengine po pote pale? (mstari 4) Neno la Mungu lina matokeo gani katika mahusiano yetu na Mungu? (mstari 7) Kuna siri gani ya kuishi maisha ya utauwa? (mstari 9) Ina maana gani kuliweka neno la Mungu moyoni mwako na ni faida gani inayopatikana? (mstari 11)
Maombi	“Mungu, nisaidie kukua katika pendo langu, kulijua na kulikubali. Nisaidie kulipa kipaumbele ili niweze kupata muda wa kulisoma kila wakati na kila siku.”
Swali/Nukuu	“Kaa katika Neno. Kuna usemi wa zamani usemao, ‘Biblia itakutenga na dhambi na dhambi itakutenda na Biblia’...Neno la Mungu litatumulikia kati ya wema na ubaya. Neno la Mungu litatuepusha na hali ya kuanguka majaribuni.” Frank Banfill, <i>Maxpoint</i> , ukurasa 104.
Hatua kwa Vitendo	Kariri Zaburi 119:11



Level 1 DISCIPLESHIP

Swahili Version

John 3:1-21 Scripture for Nicodemus Bible Study

Yohana 3

1 Basi palikuwa na mtu mmoja wa Mafarisayo, jina lake Nikodemo, mkuu wa Wayahudi. **2** Huyo alimjia usiku, akamwambia, Rabi, twajua ya kuwa u mwalimu, umetoka kwa Mungu; kwa maana hakuna mtu awezaye kuzifanya ishara hizi uzifanyazo wewe, isipokuwa Mungu yu pamoja naye. **3** Yesu akajibu, akamwambia, Amin, amin, nakuambia, Mtu asipozaliwa mara ya pili, hawezi kuuona ufalme wa Mungu. **4** Nikodemo akamwambia, Awezaje mtu kuzaliwa, akiwa mzee? Aweza kuingia tumboni mwa mamaye mara ya pili akazaliwa? **5** Yesu akajibu, Amin, amin, nakuambia, Mtu asipozaliwa kwa maji na kwa Roho, hawezi kuuingia ufalme wa Mungu. **6** Kilichozaliwa kwa mwili ni mwili; na kilichozaliwa kwa Roho ni roho. **7** Usistaajabu kwa kuwa nilikuambia, Hamna budi kuzaliwa mara ya pili. **8** Upepo huvuma upendako, na sauti yake waisikia, lakini hujui unakotoka wala unakokwenda; kadhalika na hali yake kila mtu aliyezaliwa kwa Roho. **9** Nikodemo akajibu, akamwambia, Yawezaje kuwa mambo haya? **10** Yesu akajibu, akamwambia, Je! Wewe u mwalimu wa Israeli, na mambo haya huyafahamu? **11** Amin, amin, nakuambia kwamba, Lile tulijualo twalinena, na lile tuliloliona twalishuhudia; wala ushuhuda wetu hamwukubali. **12** Ikiwa nimewaambia mambo ya duniani, wala hamsadiki, mtasadiki wapi niwaambiapo mambo ya mbinguni? **13** Wala hakuna mtu aliyepaa mbinguni, ila yeye aliyeshuka kutoka mbinguni, yaani, Mwana wa Adamu. **14** Na kama vile Musa alivyomwinua yule nyoka jangwani, vivyo hivyo Mwana wa Adamu hana budi kuinuliwa; **15** ili kila mtu aaminiye awe na uzima wa milele katika yeye. **16** Kwa maana jinsi hii Mungu aliupenda ulimwengu, hata akamtoa Mwanawewe pekee, ili kila mtu amwaminiye asipotee, bali awe na uzima wa milele. **17** Maana Mungu hakumtuma Mwana ulimwenguni ili auhukumu ulimwengu, bali ulimwengu uokolewe katika yeye. **18** Amwaminiye yeye hahukumiwi; asiyeamini amekwisha kuhukumiwa; kwa sababu hakuliamini jina la Mwana pekee wa Mungu. **19** Na hii ndiyo hukumu; ya kuwa nuru imekuja ulimwenguni, na watu wakapenda giza kuliko nuru; kwa maana matendo yao yalikuwa maovu. **20** Maana kila mtu atendaye mabaya huichukia nuru, wala haji kwenye nuru, matendo yake yasije yakakemewa. **21** Bali yeye aitendaye kweli huja kwenye nuru, ili matendo yake yaonekane wazi ya kuwa yametendwa katika Mungu.



Level 1 DISCIPLESHIP

John 4:4-42 Scripture for Woman at the Well Bible Study

Yohana 4 (Swahili New Testament)

4 Naye alikuwa hana budi kupita katikati ya Samaria. **5** Basi akafika kunako mji wa Samaria, uitwao Sikari, karibu na lile shamba ambalo Yakobo alimpa Yusufu mwanawewe. **6** Na hapo palikuwa na kisima cha Yakobo. Basi Yesu, kwa sababu amechoka kwa safari yake, akaketi vivi hivi kisimani. Nayo ilikuwa yapata saa sita. **7** Akaja mwanamke Msamaria kuteka maji. Yesu akamwambia, Nipe maji ninywe. **8** Kwa maana wanafunzi wake wamekwenda mjini kununua chakula. **9** Basi yule mwanamke Msamaria akamwambia, Imekuwaje wewe Myahudi kutaka maji kwangu, nami ni mwanamke Msamaria? (Maana Wayahudi hawachangamani na Wasamaria.) **10** Yesu akajibu, akamwambia, Kama ungalijua karama ya Mungu, naye ni nani akuambiaye, Nipe maji ninywe, ungalimwomba yeye, naye angalikupa maji yaliyo hai. **11** Yule mwanamke akamwambia, Bwana, huna kitu cha kutekea, na kisima ni kirefu; basi umeyapata wapi hayo maji yaliyo hai? **12** Je! Wewe u mkubwa kuliko baba yetu, Yakobo, aliyetupa kisima hiki, naye mwenyewe akanya maji yake, na wanawe pia, na wanyama wake? **13** Yesu akajibu, akamwambia, Kila anywaye maji haya ataona kiu tena; **14** walakini ye yote atakayekunyuwa maji yale nitakayompa mimi hataona kiu milele; bali yale maji nitakayompa yatakuwa ndani yake chemchemi ya maji, yakibubujikia uzima wa milele. **15** Yule mwanamke akamwambia, Bwana, unipe maji hayo, nisione kiu, wala nisije hapa kuteka. **16** Yesu akamwambia, Nenda kamwite mumeo, uje naye hapa. **17** Yule mwanamke akajibu, akasema, Sina mume. Yesu akamwambia, Umesema vema, Sina mume; **18** kwa maana umekuwa na waume watano, naye uliye naye sasa siye mume wako; hapo umesema kweli. **19** Yule mwanamke akamwambia, Bwana, naona ya kuwa u nabii! **20** Baba zetu waliabudu katika mlima huu, nanyi husema ya kwamba huko Yerusalem ni mahali patupasapo kuabudia. **21** Yesu akamwambia, Mama, unisadiki, saa inakuja ambayo hamtamwabudu Baba katika mlima huu, wala kule Yerusalem. **22** Ninyi mnaabudu msichokijua; sisi tunaabudu tukijuacho; kwa kuwa wokovu watoka kwa Wayahudi. **23** Lakini saa inakuja, nayo sasa ipo, ambayo waabuduo halisi watamwabudu Baba katika roho na kweli. Kwa maana Baba awatafuta watu kama hao wamwabudu. **24** Mungu ni Roho, nao wamwabuduo yeye imewapasa kumwabudu katika roho na kweli. **25** Yule mwanamke akamwambia, Najua ya kuwa yuaja Masihi, (aitwaye Kristo); naye atakapokuja, yeye atatufunulia mambo yote. **26** Yesu akamwambia, Mimi ninayesema nawe, ndiye. **27** Mara hiyo wakaja wanafunzi wake, wakastaajabu kwa sababu alikuwa akisema na mwanamke; lakini hakuna aliyesema, Unatafuta nini? Au, Mbona unasema naye? **28** Basi yule mwanamke akauchacha mtungi wake, akaenda zake mjini, akawaambia watu, **29** Njoni, mtazame mtu aliyeniambia mambo yote niliyoyatenda. Je! Haimkini huyu kuwa ndiye Kristo? **30** Basi wakatoka mjini, wakamwendea. **31** Huko nyuma wanafunzi wakamsihi wakisema, Rabi, ule. **32** Akawaambia, Mimi ninacho chakula msichokijua ninyi. **33** Basi wanafunzi wake wakasemezana, Je! Mtu amemletea chakula? **34** Yesu akawaambia, Chakula changu ndicho hiki, niyatende mapenzi yake aliyenipeleka, nikaimalize kazi yake. **35** Hamsemi ninyi, Bado miezi minne, ndipo yaja mavuno? Tazama, mimi nawaambieni, Inueni macho yenu myatazame mashamba, ya kuwa yamekwisha kuwa meupe, tayari kwa mavuno. **36** Naye avunaye hupokea mshahara, na kukusanya matunda kwa uzima wa milele, ili yeye apandaye na yeye avunaye wapate kufurahi pamoja. **37** Kwa maana hapo neno hilo huwa kweli, Mmoja hupanda akavuna mwingine. **38** Mimi naliwatuma myavune yale msiyoyataabikia; wengine walitaabika, nanyi mmeingia katika taabu yao. **39** Na katika mji ule Wasamaria wengi walimwamini kwa sababu ya neno la yule mwanamke, aliyeshudua kwamba, Aliniambia mambo yote niliyoyatenda. **40** Basi wale Wasamaria walipomwendea, walimsihi acae kwao; naye akakaa huko siku mbili. **41** Watu wengi zaidi wakaamini kwa sababu ya neno lake. **42** Wakamwambia yule mwanamke, Sasa tunaamini, wala si kwa sababu ya maneno yako tu; maana sisi tumesikia wenyewe, tena twajua ya kuwa hakika huyu ndiye Mwokozi wa ulimwengu.



Level 1 DISCIPLESHIP

Psalm 119:18, 33-48 How to Use God's Word

Zaburi 119:18

18 Unifumbue macho yangu niyatazame Maajabu yatokayo katika sheria yako.

Zaburi 119:33-48

33 Ee Bwana, unifundishe njia ya amri zako, Nami nitaishika hata mwisho. **34** Unifahamishe nami nitaishika sheria yako, Naam, nitaitii kwa moyo wangu wote. **35** Uniendeshe katika mapito ya maagizo yako, Kwa maana nimependezwa nayo. **36** Unielekeze moyo wangu na shuhuda zako, Wala usiielekee tamaa. **37** Unigeuze macho yangu nisitazame visivyofaa, Unihuishe katika njia yako. **38** Umthibitishie mtumishi wako ahadi yako, Inayohusu kicho chako. **39** Uniondolee laumu niiogopayo, Maana hukumu zako ni njema. **40** Tazama, nimeyatamani mausia yako, Unihuishe kwa haki yako. **41** Ee Bwana, fadhili zako zinifikie na mimi, Naam, wokovu wako sawasawa na ahadi yako. **42** Nami nitamjibu neno anilaumuye, Kwa maana nalitumainia neno lako. **43** Usiliondoe neno la kweli kinywani mwangu kamwe, Maana nimezingojea hukumu zako. **44** Nami nitaitii sheria yako daima, Naam, milele na milele. **45** Nami nitakwenda panapo nafasi, Kwa kuwa nimejifunza mausia yako. **46** Nitazinena shuhuda zako mbele ya wafalme, Wala sitaona aibu. **47** Nami nitajifurahisha sana kwa maagizo yako, Ambayo nimeyapenda. **48** Na mikono yangu nitayainulia maagizo yako niliyoyapenda, Nami nitazitafakari amri zako.

Matthew 6:5-13 How to Pray

Mathayo 6

5 Tena msalipo, msiwe kama wanafiki; kwa maana wao wapenda kusali hali wamesimama katika masinagogi na katika pembe za njia, ili waonekane na watu. Amin, nawaambia, Wamekwisha kupata thawabu yao. **6** Bali wewe usalipo, ingia katika chumba chako cha ndani, na ukiisha kufunga mlango wako, usali mbele za Baba yako aliye sirini; na Baba yako aonaye sirini atakujazi. **7** Nanyi mkiwa katika kusali, msipayuke-payuke, kama watu wa mataifa; maana wao hudhani ya kuwa watasikiwa kwa sababu ya maneno yao kuwa mengi. **8** Basi msifanane na hao; maana Baba yenu anajua mnayohitaji kabla ninyi hamjamwomba. **9** Basi ninyi salini hivi; Baba yetu uliye mbinguni, Jina lako litukuzwe, Ufalme wako uje, **10** Mapenzi yako yatimizwe, hapa duniani kama huko mbinguni. **11** Utupe leo riziki yetu. **12** Utusamehe deni zetu, kama sisi nasi tuwasamehevyo wadeni wetu. **13** Na usitutie majaribuni, lakini utuokoe na yule mwovu. [Kwa kuwa ufalme ni wako, na nguvu, na utukufu, hata milele. Amina.]